



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1514813
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

29 դեկտեմբերի 2021թ.

ք. Երևան
(կազմման վայրը)

Ակտի հասցեագրեր

Ա/Ձ Կարեն Ստեփանյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

3	7	4	3	6	4	6	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ՀՀ, ք. Երևան, Արշակունյաց 17ա, 1/4-1/5 տաղավար

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 16.11.2021թ. թիվ 1514813 որոշման համաձայն Ա/Ձ Կարեն Ստեփանյանի նկատմամբ իրականացվել են օպերատիվ-հետախուզական միջոցառումներ (այսուհետ՝ ՕՀՄ):

Իրականացված ՕՀՄ-ի շրջանակներում պարզվել է, որ Կարեն Ստեփանյանի կողմից 2021 թվականի դեկտեմբերի 13-ին 11:00-ից 11:06-ի սահմաններում, «Ֆորդ» մակնիշի 44 DT 144 պետհամարանիշի մեքենայով ք. Երևան, Արշակունյաց 17ա հասցեի «ՓԵԹԱԿ» առևտրի իրականացման վայրի 239 ա տաղավարից դեպի նույն հասցեի 1/4-1/5 մանրածախ առևտրի կետ է տեղափոխվել ընդհանուր 1 525 000 ՀՀ դրամ արժեքով հետևյալ ապրանքները.

1. արհեստական տոնածառ 8 հատ 2.4 մետր՝ 880 000 ՀՀ դրամ,
2. արհեստական տոնածառ 7 հատ 1.8 մետր՝ 420 000 ՀՀ դրամ,
3. արհեստական տոնածառ 3 հատ 2.1 մետր՝ 225 000 ՀՀ դրամ:

Վերոնշյալ ապրանքների տեղափոխությունը Կարեն Ստեփանյանի կողմից իրականացվել է առանց համապատասխան ուղեկցող փաստաթղթի դուրսգրման:

ՀՀ ՊԵԿ տեղեկատվական բազայի ուսումնասիրությամբ պարզվել է, որ վերոնշյալ ընդհանուր 1 525 000 ՀՀ դրամ արժողությամբ ապրանքների տեղափոխության համար Ա/Ձ Կարեն Ստեփանյանի կողմից դուրս գրված չի եղել համապատասխան հաշվարկային փաստաթուղթ:

Վերոգրյալը հաստատվել է Ա/Ձ Կարեն Ստեփանյանի կողմից 13.12.2021թ. տրված գրավոր հայտարարությամբ:

Թիվ 1514813 արձանագրությամբ 13.12.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 22.12.2021թ. նշանակված վարչական վարույթի լուսններին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով Ա/Ձ Կարեն Ստեփանյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Կարեն Ստեփանյանի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել 1 525 000 ՀՀ դրամ, որի 50 տոկոսը կազմում է 762 500 ՀՀ դրամ, ուստի օրենսդրական պահանջից ելնելով Ա/Ձ Կարեն Ստեփանյանի նկատմամբ կիրառելի է 762 500 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Կարեն Ստեփանյանին գանձման առաջադրել 762 500 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (ՀՀ դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	762 500	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Ա/Ձ Կարեն Ստեփանյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)



ստորագրությունը

ընդամենը 3 էջ